



Pou Piblikasyon Imedya: 28/11/2022

GOUVÈNÈ KATHY HOCHUL

GOUVÈNÈ HOCHUL ANONSE PWOJÈ TRANSFÒMATÈ NAN LITTLE FALLS NAN KAD SIBVANSYON INISYATIV REVITALIZASYON ANBA LAVIL 10 MILYON DOLA A

Uit Pwojè Revitalizasyon Anba Lavil Amelyore Kilti Dinamik Little Falls la

10 Milyon Dola Inisyativ Revitalizasyon Anba Lavil la fè Pati yon Objektif Estratejik pou Anrichi Kominote a, Ankouraje Biznis ak Kreye Opòtinite Lojman

Reprezantasyon Grafik Pwojè yo Disponib [isit la](#)

Jodi a, Gouvènè Kathy Hochul te anonse uit pwojè transfòmasyonèl nan Vil Little Falls nan kad prim sibvansyon 10 milyon dola Inisyativ Revitalizasyon Anba Lavil (Downtown Revitalization Initiative, DRI) la. Prim yo pral ogmante aksesibilite pou pyeton kominote a, ak resous istorik, kiltirèl ak natirèl rich yo. Reprezantasyon grafik pwojè revitalizasyon Little Falls yo disponib [isit la](#).

"Inisyativ Revitalizasyon Anba Lavil la se pou fè kominote New York nou yo vin pi bon kote pou viv, travay ak jwe menm", **Gouvènè Hochul te deklare.** "Rezidan Little Falls yo te wè potansyèl kominote yo kòm Pòtay Adirondacks la, e mwen te sezi akoz pasyon yo genyen pou mennen l nan pwochen nivo a. Mwen vle remèsyé chak moun ki rann anons jodi a posib pandan n ap vire paj la epi n ap bati yon avni ki pi briyan pou kominote sa a."

Prim Inisyativ Revitalizasyon Anba Lavil Little Falls la pral ede kreye yon sant vil ki pi inifye pou amelyore moun ki kapab pou pyeto ak bisiklèt pou rezidan yo epi pou katalize plis envestisman sou Main Street la ak nan Canal Place la. Atravè Inisyativ Revitalizasyon Anba Lavil la, Vil la ap transfòme eksperyans anba lavil la lè li pèmèt yon sikilasyon machin ki pi natirèl, etabli yon fon asistans pou ti biznis, epi ranplase Vout Main Street la pou fè mache, fè makèt, ak dine nan anba lavil la vin pi agreyab pandan tout ane a.

Envestisman yo fè pati efò Gouvènè a kontinye ap fè pou revitalise ekonomi rejyon nò a epi kreye plis opòtinite pou rejyon Mohawk Valley a. Anplis akòde sibvansyon pou envestisman kominotè katalizè, Inisyativ Revitalizasyon Anba Lavil la, ki dirije pa Depatman Deta (Department of State, DOT), bay kominote k ap patisipe yo asistans

teknik pandan y ap devlope yon Plan Envestisman Estratejik epi idantifye pwojè pou revitalise zòn anba lavil pa yo.

Pwojè presi yo ki pral finanse atravè Inisyativ Revitalizasyon Anba Lavil la gen ladan:

Kreye Lojman Abòdab pou Granmoun Aje - Prim DRI: 2,500,000 dola

Renovasyon bilding M&T a pral kreye lojman pou granmoun aje, ekipman pou rezidan yo, ak espas komèsyal yo, pandan y ap kenbe bank ki egziste deja a.

Amelyore Koneksyon nan Seeley Street - Prim DRI: 1,800,000 dola

Transfòme Seeley Street an yon pasaj litoral pou bisiklèt ak pyeton lè yo repave wout ki egziste deja a epi enstale ekleraj ak ray gidaj. Sa pral konekte Canal Place ak Moss Island ak Lock 17 istorik la.

Modènize ak Ranplase Vout Main Street Anblemtik la - Prim DRI: 1,670,000 dola

Refè konsepsyon ak modènize Vout Main Street anblematik la pandan y ap kenbe ak prezève karaktè istorik li. Kreye kontinwite vout pral benefisyé tout biznis ak vizitè yo.

Amelyore Peyizaj Main Street la - Prim DRI: 1,600,000 dola

Amelyore peyizaj lari a sou longè Main Street la lè yo mete yon liy bisiklèt ki gen de vwa ki separe soti Albany rive Ann Street, enfrastrikti vèt ant Ann ak School Street, ak repave tout koridò a.

Renove Etablisman Vid epie Elaji Aksè Piblik ak Litoral la - Prim DRI 640,000 dola

Renove yon ansyen etablisman idwoelektrik nan yon espas ki dinamik ak biwo pou lokatè ankray STEAM yo, yon espas kominotè pou divès objektif, ak yon sant pou pwodiksyon fim ak sinema.

Etabli yon Fon pou Anba Lavil Little Falls pou Sipòte Developman Ti Biznis - Prim DRI 600,000 dola

Sipòte pwojè ki pi piti yo atravè Fon Sibvansyon Anba Lavil Little Falls la tankou amelyorasyon fasad, siyalizasyon, ekleraj, miray, ak amelyorasyon efikasite enèji.

Amelyore Aksè Kominoè ak Itilizasyon Bibliyotèk Little Falls la - Prim DRI 500,000 dola

Ogmante aksè ak bibliyotèk Little Falls la ak yon nouvo kaj asansè ak asansè epi transfòme twazyèm etaj li a ki pa itilize ase a an espas kominotè pou konsèy, preparasyon GED, lesón patikilye.

Ogmante Bon Jan Kalite Gadri ak Sèvis Kominotè - Prim DRI 390,000 dola

Agrandi Sant Pou Fanmi & Jèn Little Falls (Little Falls Youth & Family Center) la nan lokal 45 Furnace Street li a pou ogmante kapasite etablisman gadri ki egziste deja a epi redevlope lokal 524 E. Main Street la pou akomode yon etablisman gadri pou ijans.

Sekretè Deta New York, Robert J. Rodriguez, te deklare, "Kominote Little Falls la pral benefisyé uit pwojè sa yo epi li pral bati sou dènye envestisman ki konekte kominote a ak litoral la otou Kanal Erie a. Prim 10 milyon dola nisyativ Revitalizasyon Anba Lavil sa a pral konribiye anpil pou ogmante opòtinite pou rezidan yo, biznis yo ak vizitè yo nan Little Falls. Depatman Deta a ap tann ak enpasyans pou li travay ak vil la pou li vivifye vizyon li an."

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Inisyativ Revitalizasyon Anba Lavil la bay vil yo yon opòtinite pou kwasans entelijan ki benefisyé tout yon kominote epi Little Falls pa yon eksepsyon. Plan estratejik yo a tire pwofi sou byen litoral li yo, elaji chwa lojman, ogmante opòtinite pou ti biznis yo, retire baryè nan travay pou fanmi ki bezwen gadri epi kreye yon sant vil ki pi fasil pou pyeton, pou bisiklèt ki byen pozisyone pou siksè alavni."

RuthAnne Visnauskas, ki se Komisè Renouvèlman Kay ak Kominote (Homes and Community Renewal, HCR) nan Eta New York, te deklare, "Atravè Inisyativ Revitalizasyon Anba Lavil eta a, n ap sipòte pwojè kominotè ki ankouraje ekonomi lokal nou yo epi ki fè yon enpak reyèl sou lavi chak jou Nouyòkè yo. Prim jodi a nan Little Falls pral kreye nouvo kay abòdab pou granmoun aje yo, transfòme Main Street an yon koridò ki pi fasil pou pyeton epi ki pi atiran pou vizitè yo, amelyore sèvis publik pou rezidan yo, epi finalman ede vil la grandi ak reyisi kòm yon destinasyon kiltirèl."

Senatè Eta, Peter Oberacker, te deklare, "Little Falls te ranpòte finansman DRI Eta New York lan gras ak yon plan ki prezante yon vizyon enteresan pou devlopman ekonomik ak kwasans kominotè. Pwojè sa yo, ki fèt pa moun ki gen enterè lokal yo, pral mete aksan sou istwa vil la pandan y ap bati pou yon avni ki pote siksè ki pral benefisyé Little Falls ak tout rejon Mohawk Valley a."

Manm Asanble Brian Miller, te deklare, "Uit pwojè kle ke Vil Little Falls pral antreprann kòm nan kad Prim 10 milyon dola Inisyativ Revitalizasyon Anba Lavil (DRI) la se yon nouvèl pozitif non sèlman pou Vil Little Falls ak rezidan li yo, men pou tout rejon Mohawk Valley a. Revitalizasyon kontinyèl Little Falls enpòtan anpil pou siksè ekonomik zòn nan. Little Falls gen anpil bagay pou li ofri ak potansyèl san limit pou pwofite resous natirèl ak eritaj kiltirèl rich li a. Pwojè kle yo pral konplete yo pral inifye anba lavil la, ankouraje envestisman adisyonèl biznis ak lòt bagay sou Main Street la ak Canal Place, epitou yo pral amelyore kalite lavi nan vil la. Mwen felisite Vil la pou efò kontinyèl li fè pou revitalize, ranfòse ak devlope yon kominote anba lavil dinamik ki dirab atravè itilizasyon Prim DRI a. Pwojè egzanplè vil la se yon temwayaj sou fason DRI Awards ka benefisyé kominote yo epi transfòme katye yo."

Majistra Little Falls, Mark Blask, te deklare, "Mwen plis ke rekonesan anvè Gouvènè Hochul ak Sekretè Deta Rodriguez. Kòm dezyèm vil ki pi piti nan eta a, nou apresye Gouvènè Hochul ki toujou ap veye pou kominote ki pi piti yo. Nou espere amelyore distri anba lavil la epi fè Little Falls yon zòn ki pi dinamik pou viv ak vizite."

Inisyativ Revitalizasyon Anba Lavil

Inisyativ Revitalizasyon Anba Lavil Eta New York la, yon poto mitan pwogram devlopman ekonomik, transfòme katye anba lavil yo pou tounen sant aktivite dinamik ki ofri yon kalite lavi elve ak atire reyamenajman, biznis, kreyasyon travay ak divèsite ekonomik ak lojman. Inisyativ Revitalizasyon Anba Lavil la ke Depatman Eta a avèk asistans Empire State Development, Biwo Renouvèlman Kay ak Kominote ak Otorite Rechèch ak Devlopman Enèji Eta New York la (New York State Energy Research and Development Authority, NYSERDA) dirije, reprezante yon estrateji san parèy ak inovan "planifye-answit-aji" ki mete ansanm planifikasyon estratejik avèk egzekisyon imedyat ak mennen nan anba lavil konpak, ki adapte pou mache ki se engredyan kle nan ede Eta New York rebati ekonomi li apre enpak pandemi COVID-19 la, epitou nan reyalize objektif odasye Eta a nan zafè klima gras a pwomosyon itilizasyon transpò piblik ak rediksyon depandans sou machin prive. Plis enfòmasyon sou Inisyativ Revitalizasyon Anba Lavil la disponib [isit la](#):

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418